

修譜之義有二焉。尊奉祖先也。親睦宗族也。父之祖曰曾祖。曾祖之祖曰五世祖也。自此至十至百皆是祖先也。惡得以不尊奉乎。祖免之外曰宗。自此至千至萬皆是宗族也。惡得以不親睦乎。尊血統之所在。收血脉之相傳。莫如修譜。修譜之法。蓋自周公始也。周禮春官小史掌邦國之志。奠繫世辨昭穆是也。金侍郎用來興族人營九同爲修譜。使其宗人用哲來余以氏譜。并卷之文。蓋羅州之金本。新羅敬順王之后。敬順王之遷位也。其第二子曰季子諱涅諫王。不聽。痛國將亡。八海印寺。爲山人以沒。齒有二子。長曰雲。發封羅州君子孫。仍籍焉。大傳所謂列子爲祖。繼列爲宗。是也。嗚呼。旣有神明之肇跡。那無滄燐之發揮。自麗至于李朝。千有餘載。愈益蕃衍。或功存社稷。輔散廊廟。或貢節士林。玉帛邱園。至若冠蓋郡縣。歌詠社召者。指不勝屈。此莫非第二王子之峻節高風。清灑六合。垂裕後昆之功。亘宇宙而不泯者歟。又有一事可書者。蕩乎邇庶之分。遺追三代。義規也。衛霍之將。韓范之相。其他宏臣碩輔。如周顥陶侃。李愬蘇遵陳瓘。胡寅之流。將并出於羅州之金矣。其尊奉祖先。親睦宗族之道。豈可曰淺渺也哉。竊有所感於中者。尾及之。

歲甲子殿重陽完山李承旭謹序

嘗恨我東史家。有遜於春秋之編年。金富軾三國史。廢黜郎佛表章。儒宗鄭麟趾。麗史列傳。無以窺一王政治之全班。使家族而無譜。一本而爲路人。不幾如三國麗史之難徵哉。猗歟。金氏得姓于鷄林。七世而至味鄒肇基王迹。歷三十八王。逮敬順大王之歸麗太子。季子注諫不聽。太子八載之下。猶有所感發而興起哉。季子之子長諱雲。發封羅州君。吾金氏仍貫焉。歷勝國。至國朝簪纓。相承勲業。蟬聯尤多。節義之炳烺。豈非醴泉靈芝。有源有根哉。後仍蕃衍。散居各省。會合實難。

猝然遇塗、殊無以講某宗某系之親、往在丙午、遷窩氏草創吾譜、後世因之續修再四、反略於初  
遠莫之記者、十居八九、程子曰、管攝天下人心、收宗族、厚風俗、須是明譜系、豈非今日吾儕所當  
熟講也哉、不肖無狀、賴祖宗之陰贊、立朝五十年、濫叨顯要、孤負寵命、固報涓埃、無救於世、每一  
念至、不覺汗浹于背、今既老矣、苟一朝溘然、且不得揄揚先義、負罪公私、兩莫能逭、於是收世族  
明派系、補誌狀、詳墓配考官職、撫善行積四年而僅付梨棗、以副我宗大同之詢謀、語曰、和氣致  
祥、譜而大同、和之至也、噫、因是役、拜尋我摠制公墓、豈非人和而致冥感也耶、

歲乙丑肇夏后孫嘉善大夫前監理用來謹序

仲尼著春秋、算中華、要以衛同族也、說者謂華爲禮義、在爾夫宋、齊、魯、衛、晉、鄭、俱炎黃之靈苗、有  
國之內服、尤華之著也、然春秋二百四十二年之中、弑君三十六、其他淫無恆常、殘忍蔑倫之事、  
半是、事之著者、曾夷狄之不如、烏在其爲禮義也、貶懲筆鉞、未嘗不嚴、猶且中國之蓋其地、祖國  
也、其人同族也、是故、廢齊桓、懿晉文、歎管仲之功、爲其摶同族諸侯、攘異族、憑陵也、仲之言曰、諸  
夏親昵、不可棄也、戎狄豺狼、不可厭也、故曰、微管仲、吾其被髮左衽、春秋之立名教、詔同族、與其  
用夏變夷、保無變於夷矣、嘗因以孝氏族之興替、姜姓諸戎、固神農之後、四岳之裔、曾幾何時、流  
爲遠夷、內而邾薛莒杞之屬、亦皆神聖之胄、況漢東諸國、庸濮、隨江大周之屬籍、而周鼎未移、式  
微不振、猶不失爲子男、亦世其國、蓋春秋之子男、猶、國朝之縣尹也、太史公曰、周封八百、幽厲  
之後、見於春秋、有唐虞之侯伯、歷三代、千有餘載、自全以蕃衛天子、豈非天之報施聖王、必篤其  
後歟、惟我金氏新羅列聖之後、敬順大王之嫡也、太子旣徇北地之義烈、終西山之隱節、主鬯之  
序、宜歸季子者也、事乃不然、新羅國除、麗祖改雞林爲慶州、爲王湯沐邑、因封其嫡甥、諱殷說、爲  
之君主先祀、卽春秋子以母貴之義、敬順王子九人、季子序居第二、而號爲季子、蓋取延陵季子、  
讓位之美也、季子之長男、諱雲發、爲吾得姓始祖、仕麗官門下侍中、其後奕世、軒冕名公儒賢史、

不絕書逮

國朝代興安邦定社之材、經綸廟廟之彥、往往位不稱德、砥礪名節之士、道學文章

之流、皭然遜世无爛、其視慶州、義城、善山、彥陽之宗、猶晉、蔡之於晉、鄭、抑天將緩其報而大其施  
歟、商周俱祖帝嚳、興替有先後、豈非命也、國朝有敦寧宗親二府、蓋周官之公族、漢氏之宗正遺  
制也、於是家族制隆、譜隨而作、必貴大同者、親疏協和、人無間言之象徵故也、仁人孝子之愛其  
親、根於天性等而上之、至五世澤斬、愛敬之心、自不容已、雖百世之遠、能致其孝、觀於王者之郊  
禘章焉、自天子達于庶人、孝無二致、然則、譜欲大同固矣、吾誠追孝于澤斬之祖宗、雖親盡之宗  
族、均為祖宗之遺體、與吾排行同列者、視吾亦然、以其追遠之孝、推而睦我必獲我心矣、苟為無  
譜、不可考厥初、同根分支、亦無以知吾祖有萬斯孫、強欲致其愛敬、不幾於墨家者流哉、往在己  
卯、吾譜、吾族力圖大同、人微誠淺、不能感同族之心、安敢曰、宗族之不諒人、只齋志茹恨苟且成  
編、轉瞬之傾、天星一周、族從用來氏累典州郡、于時貪贓成風、上下靡然、獨於賦歸之日、家無擔  
石、於是遠近服其忠、宗族信其廉、八旬衰齡、孝思彌篤、欲譜大同、全鮮吾族、因不響應吾派方營  
墓宇、財殫力綿、低回久之、及聞各派系牒畢至、孝悌之心、油然難遏、甲子泣冬、躬暨于公州之仙  
庄、協贊規劃、凡所編纂式遵乙譜、然烈祖勳卷、仍亦未果、不能無缺然於衷也、或曰、居今之世、黃  
白競存、惟是民族主義、方可捍衛、同族家族制度、已屬過境、個姓譜乘、儘是夏裘殊不知民族春  
家族之集、團處、家族而敦睦私德也、對民族而忠信公德也、公德私德並行不悖、世未有私德不  
修而能盡公德者也、春秋書齊侯救邢大其恤同盟也、何恤乎同盟冠裳、凡合同族故也、何謂乎  
同族、國民個姓集合體也、嗚呼、觀於吾譜、苟有所興感社會國家、其殆庶幾乎

新羅太輔公誕降太歲乙丑三十二回春三月直講公后孫鑄煥謹序

乙卯譜序

晉之乘魯之春秋、史其有國族之譜、史其有家、其義蓋一也、洪惟我太輔公、璿漂於雞林、至于味

鄒肇基王述、迄夫敬順大王、知天命之有歸、從子乘、其如脫肆、天之所以報施、惟王孫子其麗、不  
億而得姓者數十、有如虞夏商周出自黃帝而祖譽也、金氏之貴於羅州、以麗之國甥、世有勳勞、  
至我朝雖賴紳笏、不甚賈華、豈晉霸而魯弱、物莫能兩大者歟、雲仍星散、分居於畿湖兩西、艱於  
收族、粵在丙午、吾先子遷窩寢主張、是凡所論譔、有太史公自序之遺風、然創自伊始、猶頗闕漏、  
續後再修、縱受補演、式遵舊規、顧今東海既桑、黃白競種、苟不及今修譜、懼夫來世終作何狀、幸  
我二三令族、思所以繩祖壽系、亟修今譜、增其舊制、新其圖蹟、考世次以序、傳記訂詩文以爲附  
編、然後于先子有光、余旣耄於是役、縱不能在論譔之列、其於趾矣、敦族之義、興有聞焉、嗚呼、是  
譜也、於狀序傳銘則謹嚴而著於本支姻戚則詳畧得宜、矧茲羅麗之文獻、非復杞宋之莫徵、吁  
可爲羅州金氏畧史云。

歲乙卯仲春 日後孫用瑚謹序

古昔有族而修譜者、觀於周官、掌三族之辨、蘇洵著序譜之文、而厥後各姓之立譜、蓋徵於此、吾  
金之厥初、始生漢明帝永平八年乙丑、新羅脫解王時、鷄林金犧、誕降諱閼智、太輔公、爲吾鼻  
祖也、歷世至敬順王之孫、諱雲發、封羅州君、子孫仍以貴焉、高也、至于丙午、肇修譜系、自太輔公  
至系以下、至羅州君、世代近遠、昭然載錄、其後壬辰、賽載修整宗本支派流分系、祖子孫傳、繼昭  
穆尤可昭詳、修譜之義、大關人紀、曷不重大遠、至丁亥、詢謀續修、不肖猥參監護之任、周聰訖功  
然而不可謂盡善盡美、則自顧察任罪將何逃、今距丁亥、洽爲一世、各派子繼孫承、不爲不復而  
癸丑秋大同合譜、門議齊發、詢同族弟鑄煥、能於幹事、通諭于畿湖、及河西關東瀛洲派宗、則始  
焉、諸應終反不從者、抑或世道變壞、人心不古而然耶、甚庸慨惜不已者也、由是遷延拖至二暮  
始役、鋟梓仍舊合新、先世節義文章、勳業德行、復顯于今譜、後承宗本派分支流昭穆、又詳於新  
牒、尊祖重宗之義、諱無過於修譜者此也、以若不肖之再叅似是爲幸而昏耗幹預、不無闕畧難

免譏謗內自深省以俟後君子善述焉

歲在乙卯仲春下澣後孫東炫謹序

天生萬物自有族類於是乎物以羣分人則有倫祖宗者根源也子姓者枝流也故水之朝坎木之歸艮物固然人爲甚驗之吾宗益信矣龍蛇之亂我十世祖諱天成季諱晚成年未就傳同爲被虜於賊時賊勢鴟張長驅北上至公州聞明兵素沙戰捷遂遁去公兄弟因得免焉蓋年幼路阻鄉山不可復識脊令在原備嘗艱險式微之瓊尾杖杜之踽涼尚忍言哉顛連漂泊於公州之利仁道栢谷村既長娶崔氏輸林某之後季娶鄭氏女僑贊于見山里公夙遭憫凶慘背怙恃幼齡精神搖蕩飄零於萬惄叢集之餘只存得氏姓乳名暨出生縣故自謂務安人而子孫仍亦蕉鄉嘗聞門父兄傳言廟貌圖祿所藏文獻亦復見軼隨後采輯只系世諱啞而已去辛未始編吾譜自公諱天成起其先則闕如也爲公之後豈無爲公痛恨乎哉粵甲辰夏務安人金相浚以其大同合譜事載舊乘及通告歷聘畿湖過余一宿問其行旅語及於譜其姓也吾氏其居也吾鄉余心懾然遂閱其譜讀未半吾先諱兄弟俱載始焉如夢恍然而疑及考其文爲賊所虜去云遂惕然有淚竦然大悟曰世固有氏名偶同一之或然豈可兄弟同得矧事蹟之若是乎昭合也吾乃今而後知吾祖之有所自出矣謹按羅州君諱雲發吾得姓祖也曰戶曹參判議政府左叅贊諱忠秀乃吾祖諱天成先府君也貞夫人羅氏其顯妣也嗚呼夫婦殉難成仁之日孩提兩胤爲賊所虜禍之慘憺可勝言哉當時被禍之後人皆謂忠烈婦之无後爲之齊姿淳淡安知忠信烈婦之終有後於人所不知之地而不絕者哉世之相後也數百餘年地之相距也五百餘里又安知夫孩提童子顛沛流離於矢刃燭集之間有如方采之爲正學先生后而系其世者哉斯豈非陰贊默佑之天報施忠烈於冥冥中歟今吾宗族得興務安本宗昭姓孝行義所謂水之朝坎木之歸艮者非歟吾祖見俘於湖南錦江之濱得免於湖西錦江之地抑有撫之後將育子姜而

其昌於齊者歟、乃考務安本宗、幸吾叅判公之有后、要余同譜、信可謂義精仁熟、敬宗以尊祖者矣。古賢所訓、收宗族、厚風俗之道、從此立焉。於是乎感極而爲之識云爾。歲乙卯仲春下浣後孫命九謹序。

丁亥譜序

金氏之在東土者、蓋出自新羅、其後分貫數十、以自別之也。慶州以外、惟貫於羅州者、漂流最遠、據其譜、敬順王第二子曰季子、失其名、王之歸麗、亦如太子之諫、入海印寺爲山人、名梵空、未入山時、有子曰雲發、封羅州君、子孫仍貫焉、而吾舊譜亦云吾譜以敬順王第四子侍中公爲祖、松京有侍中墓、往在正廟甲辰始得其墓誌、又於墓上正北五步採誌、一面文曰高麗平章事金惶、繼葬于第侍中侍郎金殷說之墓、敬順王第二子第四子以國甥之子、有功之臣、特賜墓地、城北十里之外五龍山南麓、吾伯祖破獻公實爲記之載今譜、竊嘗論之、季子之事、誌譜各殊、以北地之義烈爲錢氏之榮貴、雖若可疑、然千年幽藏、復顯於世、而名與位若是昭昭、則好古君子、其必有取焉、羅州之金、適修譜事、有來徵言於余者、爲出是吾譜、俾正於其譜、且告之曰、吾兩宗推其本、則實兄弟也、固不可以分貫異譜而自疎、今子之譜系、得吾譜而始明、茲豈非幸歟、其同譜於羅州者、散居兩湖、及海西中世有名祖曰寶文閣大提學臺卿號月塘八本朝節義文行、閭有聞人而尤俊而武功表見故、今其後裔、亦有竦聳立朝者云。

聖上丁亥閏四月上澣判中樞府事慶州金弘集序

昔范宣子以陶唐爲祖、班孟堅稱高頃玄胄、春秋東漢之時、猶以氏姓之遠、爲貴而以王者之後、爲尤貴也、我東巨室之立譜系、槩自麗朝而羅州金氏、溯源新羅敬順王上而至脫解王子金闕智、其家世之遠而貴、何遜於范孟氏乎、在勝國時、文武勳伐、照耀乎一世、至于我朝簪組相映、宣廟時府使、諱守信、有才畧、我白沙先祖薦于朝、討平水寇於白翎鎮、是以余已知其爲名閥與

金釜山用來有深契、又盡得其爲三韓右姓也。近者寢微不振、豈其源甚遠則不能無興替而然歟。上舍斗煥與聲鐸甫方修續譜、其季斗鎬與釜山偕來訪余于洛中寓所曰、詳吾家者莫子若、辭遂作而言曰、龍洲公、鷲巖公之同時破倭功、著竹帛、肇軒公、龜巖公之相繼立憲、光爭日星、至若縣令公之義事不成天也、其生其死今不可攷而其爲臣盡臣庶無愧於生、死六也、寒素家有此一人焉足可謂名家也、又有經學之秀、輔革之選、不絕於書、豈不盛矣乎、舊譜派各異焉、新譜合而同之、諸公之蹟一閑卷瞭然、今日後承、非徒知尊宗合族之爲義諱而已、若以先世德行文學名節勳業、常爲家範、服膺而勿替、則其所以成就必將克紹而無忝矣、是譜之成、金氏再興之會乎、於是乎序。

聖上丁亥孟夏下浣通訓大夫敦寧府判官李文榮序

壬辰譜序

我東族姓之蕃、金爲之最、而多出於新羅敬順王、羅州氏、卽其一也、其譜系傳世、自高麗大將軍安老縣主始、簪組蟬聯而文章武畧、若月塘公之著名於東文選、訓鍊公之立功於討海寇、儘是赫赫其餘治、郡有聲蹟而蒙褒典、扈駕簪勳勞而受錄奏、代不絕壽、至如水使公之無憾於上功之不以實、及退老于別墅、梅窓揭扁而琴酒自娛、長篇短作、與人唱酬、其恬淡無物累、又豈可以武官視者耶、觀於一時諸名勝題詠、足以想得其槩矣、嗚呼、金氏旣收族而各知其來處矣、能相與敦睦而致勉於無忝、則孝悌之心油然而生、當如蘇氏之云而亦庶乎、張子所謂朝廷大臣有所益者哉、譜將刊日、濬相彥來請余爲序、取閱其譜、余旣先牧使公其外甥也、不敢以不文辭、而以病遷就、濬欲再來而遽歿、遂爲之愴涕而畧書此焉。

崇禎紀元後四辛卯仲春 日恩津宋穉圭序

## 西午譜序

周官小秩宗掌三族之別以辨親疏後世之有譜法實昉於是程夫子有言曰管攝天下人心使人不忘本須是明譜系夫天下之大而管攝人心莫先於明譜系况同是一人之子孫雖有親疎近遠之不同推其本則一也苟不立譜而聯屬之疎者日疎遠者日遠袒免之後便爲路人而尊祖重宗之義絕矣然則管攝一族之心使知尊祖重宗之義者尤在於明譜系也金斯文通海間嘗按其世譜一冊屬弁文於不佞且曰吾金之以羅州爲譜者派分不甚遠而散居畿湖往往親未盡而或有不相識者近又零替不振無以表見於世苟不及今立譜大懼來世不知來處今吾修譜特詳世德欲使後人寓羹塈之慕而思所以繩武願廣此意而爲說也不佞謹受而按其譜譜中之節孝文章備焉蓋其始譜者曰大將軍得章得章之先有曰季子乃新羅敬順王子也季子實有延陵之風而及其國亡棄妻子入海印草衣終身無愧北地之死羅雖亾而凜凜有生氣使千載之下尚想其風聲其在麗朝冠冕奕世而月塘公文章節行大爲牧隱諸賢之所推許金氏之有此二祖已足爲一譜之光在本朝則防禦公祖孫敵愾樹勳而國家恃以爲干城齋嚴公父子效忠立慬而世教賴之以扶持至於嵩庵公景參養德林泉遯世無憫而孝若曾閔行如夷由亦可以師世而範俗今此諸公之高風懿蹟輝映於譜牒雖使几人觀之猶足以起敬而思齊況在于孫其所以聿追先德思克肖之者曷可已哉見某祖之風節則砥行立名思趾其義見某祖之文章則博學績文惠延其業見其孝友之卓絕必思錫類之義見其昭穆之繼序必推親親之道則百世雖遠無異晨昏千里雖隔無異同堂而家學之淵源由是而可接家風之敦睦由是而益篤蘇洵氏所謂觀吾譜孝悌之心油然而生者信不誣也苟能如是近世之衰替將復爲昔日之盛赫一族之人心不期於管攝而自至於管攝明譜系之功於是爲大而程夫子之訓真不我欺也不佞深有感於金君不忘本之意不敢以佛頭之布糞爲辭謹書此而歸之以爲羅州

金氏族譜序云

崇禎紀元後三四丙午春正月下幹成均進士居昌慎師浚序

木之枝葉繁茂而蔽雲天覆郊野者、豈非其根之固盤泉壤而不拔哉。水之派流浩漫而接江河連溝瀆者、豈非其源之深積溟海而不竭哉。世之名門右族、圭組聯綿、旌棨輝映者、莫非厥先祖父之盛德大功其積也。厚其累也久，如木之有根、水之有源而枝葉派流繁茂浩漫也。然而觀吾家之譜、竊怪夫此理之差爽何也。我金得姓今幾千年、上溯敬順王以前則雖偏邦、猶夫主社稷於近千祀、其尊且貴何如哉。王之歸麗次子克抱北地、王之志入寺爲山人、其後爲吾羅金之祖、於勝國則大官聞人相繼不絕而暨乎大提學公、是于門之定國、王家之文正也、逮入于我朝、官位之盛雖未及於前朝而亦不愧爲世之名族。若吾先祖鷲巖公元帥佐幕之忠勳、獨步鳴世之文章、垂之國乘而不朽、傳之翰苑而未泯、至若其長胤叅判公、輸忠於壬辰而鐵券策名立憲於丁酉而閨門並節、若夫清州宗族之先祖、如護軍公之大邱治化、思齋相公特著墓銘、同知公之子荆謀猷鷲巖先祖、僅佐韜畧、德之尊可見。當時名賢之敬事先執績之茂尤幸、一門總親之共平強寇、其餘如贊成公白翎平賊、判書公赤鼠斬虜、不可殫舉則吾金氏之功之德、豈不積之厚而累之久乎。譬之於木、其盤根也可謂固矣、譬之於水、其積源也可謂深矣。然而夫何近世之衰替落莫若是之極也。若吾祖考嵩庵府君之邃學純孝、吾先人木澗府君之高姿篤行、天其若將有意挺生而使之展布所蘊矣惜乎未能得位而行道終乃懷寶而沒世、其餘同鄉之宗、他方之族、先生長者、逸士碩人有才德而無位命者、指不勝屈矣。然則木之盤根者、其枝葉未必繁茂也乎、水之積源者、其派流未必浩漫也乎。若統論敬順王之子分爲各派者、則慶州之籍安東之貴江陵之族、富貴功名至于今爲世甲族、則吾羅金之零替、其或曰明星稀之理歟、然而富貴功名有不由我者、所不敢外慕而文章也節義也、道學也孝行也、是吾金世傳箕裘也、效文章於薦

巖公則有餘師慕節義於叅判公則爲賢孫繼道學於吾蒿庵祖考而特體其孝行以爲爲善之首行仁之本則豈不謂之成人也乎能勉此四者於一門則吾恐枝葉之漸至繁茂派流之終得浩漫在此而不在彼也爲羅州氏者分居散處之數自古不妄欲成全譜者已有年所而迄茲遷就抑恐世道譙變大役無期不佞不揆僭猥敢當編修而與門弟壽海監董剞劂之役一心戰兢者惟恐有淆亂之弊而派系既少亦安有如世之名以修譜而招人譏笑者哉以前所言壽而奉勗於同根同源之人以後所言者而內自省焉

後孫通海謹序

雞林金氏

璿源世譜

始祖

二世

三世

四世

五世

六世

金闕智

新羅太輔追尊大王  
一云太子太輔

居西干

子勢漢

追尊世祖王

坡干

子阿道

角干

子首畧

角干

子郁甫

角干

子仇道

角干

仇道

子味鄒王

八世

九世

十世

十一世

達婆

七世

八世

九世

十世

十一世

一吉彌追尊葛文  
王伐休王時為將  
軍左軍主授新羅  
謚法之前追封王  
皆捕葛文  
妃述禮夫人朴氏祇  
摩子葛文王伊祚  
女

妃伊訓夫人昔氏父  
貴王女  
一云大西干  
妃伊訓夫人昔氏父  
繼宗勿王立丁巳  
爲訥祇王所弑在  
甲辰薨在位二十  
三年陵在皇廟里  
號竹琨陵或云竹  
長陵

子大西知

子實聖王

子鶴休

何干

妃伊訓夫人昔氏父  
繼宗勿王立丁巳  
爲訥祇王所弑在  
甲辰薨在位二十  
三年陵在皇廟里  
號竹琨陵或云竹  
長陵

妃伊訓夫人昔氏父  
繼宗勿王立丁巳  
爲訥祇王所弑在  
甲辰薨在位二十  
三年陵在皇廟里  
號竹琨陵或云竹  
長陵

何干

何干

何干

何干

何干

何干